



Sacerdos Aut Sanctus Aut Reprobus

Dufrène, Maximilian

Augustæ Vindelicorum, 1743

Caput. 1. Curandum esse, ut noster erga Deum amor sit jucundus, hilaris & confidens, qualis solet esse erga amicum, aut patrem.

[urn:nbn:de:hbz:466:1-60483](https://nbn-resolving.de/urn:nbn:de:hbz:466:1-60483)

TRACTATUS

R.P. Benedicti Rogacci S.J.

de filiali & familiari cum DEO con-
suetudine,

Ex opere illius , cui titulus , *unum ne-
cessarium* , hujusque parte secunda ex-
cerptus à pagina 184. ad pag. 415. edi-
tionis Pragensis.

CAPUT I.

*Curandum esse , ut noster erga
DEum amor sit jucundus , hilaris & confidens ,
qualis solet esse erga amicum , aut patrem.*

Apienter pronuntiatum à veteri Poëta est:
(Ov. 3. Metam.) *non convenire amori cum
majestate.* Exuat supercilium , & princi-
pi patrem misceat , oportet , qui amari filio-
rum ritu à subditis vult. Si semper authori-
tatis suæ pondere eos premat , nunquam , nisi
dominantis vultu aspiciat , nunquam sibi ad-
stare , nisi famulari cum submissione patia-
tur , timeri quidem & observari ab iis pote-
rit ; impensè , flagrantérque amari non po-
terit. Hinc adeò usitatum , & solenne mul-
tis Ducibus fuit , quò militum sibi animos
arctio-

arctiori benevolentia devincirent; omni fastu abdicato, contubernaliū ritu cum iis agere; & ad intimam omnem familiaritatem & tantum non æqualitatē descendere. Qualē inter alios Cnejum Pompejum Cicero exhibet, adeo in congressibus humanum, & comem; (*Or. de Leg. Man.*) *Uris, qui dignitate Principibus excellebat, facilitate par infimis esse videretur.* At si Principum quisquam hac ingenii, animique benignitate erga subditos fuit, altissimus totius universitatis Dominator quām maximē est: volénsque à nostra humilitate intimè amari, non tantum permittit, verūm etiam ex animo cupit, ut salvis observantiae sibi debitæ legibus eam cæteroqui inter agendum cum ipso familiaritatem usurpemus, qua quilibet cum veteri amico, & sodali, vel filius cum indulgentissimo parente uti solet.

2. Et verò ullāne supremus ille mundi arbiter luculentiora exhibere nobis poterat sui hujuscē animi documenta, quām quæ per inauditam quamdam benignitatem toties exhibuit, assiduēque exhibit? Ultimæ popularitatis significationes, ad quas principum quispiam sese possit demittere, sunt, quantum animo assequor, si externo quovis fortunæ apparatu deposito plebeji hominis habitum induat, solus, & sinè ullis stipitoribus infirmorum civium domos subeat, agat, deambulet, epuletur cum ipsis, non aliter, quām si ex ipsorum numero unus foret, fratres,

fratres, sodalesque eos appellat, nec iisdē nomībus compellari ab iis deditur. At nūquid non hoc prorsus pacto cœlestis se Dominus erga nos gesit? Nōnne obiectis panoso servi schemate divinitatis fulgoribus ex altissimo suo solio in ima terrarum descendit, mortalem hīc vitam non uno, alterōve tantū die, sed triginta tribus ipsis annis nobiscum acturus: quin imò neque in immortalem suam regiam reversus, pudori sibi dicit, ignobile nostræ carnis indumentum gestare: pergitque etiamnum internos hīc morari: *Omnibus diebus usque ad consummationem facili*, abjectiorem humano habitum, panis nempe imaginem præferens: & sub vili adeò specie non domos duntaxat, sed ipsamet viscera contemptissimi cujusque homuncionis subire, factus inauditæ familiaritatis prodigo nedum homo, sed hominum cibus. Neque his omnibus suæ satis indulgentiæ factum existimans, ne infinitæ majestatis suæ species nostram humilitatem servili terrore à se arceret; quibus exquisitissimis loquendi formulis suam erga nos charitatem exprimere, & animos nobis facere ad liberi amoris fiduciam omisit? Nōnne illum in Proverbiis audimus, dicentem: (c. 8.) *Deliciae meæ esse cum filiis hominum?* Nōnne per Isaiam pollicetur, nunquam fore, ut nostri oblitiscatur. (c. 49.) *Numquid oblivisci potest mulier infantem suum, ut non misereatur filio ute ri sui?* & si illa oblitera fuerit, ego non obliviscar tui:

K

tui : addens præterea , delicias se nobis fæcturum iis similes , quas facere suis matres infantulis solent : (c. 66.) *Ad ubera portbiamini , & super genua blandientur vobis.* Quomodo si cui mater blandiatur ; ità ego consolabor vos. Nonne dilecti sui discipuli verbis testatur , nequam pro servis nos apud se esse , quales cæteroqui naturâ sumus : *Jam non dicam vos servos :* sed pro amicis , *vos autem dixi amicos imò etiam pro filiis , videte , qualem charitatem dedit nobis Pater , ut Filii DEI nominemur , & simus ?* (Evang. c. 15. Ep. 1. c 3.) An non demum in D. Matthæi Evangelio jubet se à nobis cum eo agere incipientibus statim patrem vocari , (c. 6.) *Sic ergo vos orabitis Patrem noster , qui es in cœlis.* Quod tantæ familiaritatis nomen , prout S. Cyprianus observat , (de Orat. Dom.) nemo nostrum in oratione ausus esset attingere , nisi ipse nobis sic permisisset orare. Quanquam parùm adhuc visum ipsi est , Patrem se à nobis vocitari ; sed vult insuper , ut ejusmodi nomen sibi tribuamus cum ea simplicitate , & confidencia , qua pueruli etiamnum balbutientes proferre illud inter loquendum cum suis patribus solent. Ità sane interpretatur Theodoreetus illa D. Pauli verba ad Romanos : (c. 8.) *Non enim accepistis spiritum servitutis , sed spiritum adoptionis , in quo clamamus , Abba Pater.* Abba siquidem in sermone Syriaco patrem denotat , sed puerili more prolatum , *ceu tata apud Latinos :* ut proinde , dicens

Apo-

Apostolus , nos à Spiritu sancto incitari ad compellandum DEum hac voce , *Abba Pater* ; non aliud juxta prædicti Authoris explicationem innuat , quām incitari ad DEum , audacula , & simplici puerorum libertate , patrem vocandum . (*in Ep. ad Rom.*) *Adjicit Abba* , ostendens libertatem dicendi . *Pueri enim majori libertate utentes apud patres frequentius ad eos ea voce utuntur.* Et post hæc à DEO nobis præbita amoris usque adeò non efficacis duntaxat , sed & suavis , ac teneri monumenta , erit adhuc , qui timeat , ne ille servili potiùs cum trepidatione , quām confidenti , amicáque cum libertate agi secum ab hominibus velit ? Certè , cùm filiorum , & amicorum in numero nos habere se prædicet , patérque à nobis , imò & *Abba Pater* appellari gaudeat ; dubium esse nemini potest , quin fiduciam hujusmodi nominum propriam peculiari approbet modo , & gratissimam habeat .

3. Idque novo adhuc argumento confirmatur validius . Quia , si quæ in contrarium supponeret ratio ; hæc vel unica , vel potissima videtur fore , quod per nostram hujusmodi familiaritatem vilescere , aut minui saltem posset , creatâ omni infinitè augustior , supremi imperatoris majestas . Qua de causa terreni principes haud solent ad promiscuam cum vulgo consuetudinem se demittere , neque liberam subditis facultatem dare secum familiariūs agendi : imò si eorum fors

quispiam ultrò sibi illam sumat, iniquo animo audaciam hanc ferunt: & meminisse hominem submissionis debitæ jubent. Quemadmodum fecisse Augustus Cæsar traditur, cùm à nescio quo civium invitatus ad cœnam, sed parcè admodum, & apparatu, qui sodali potius conveniret, quām Cæsari, acceptus fuisset, dicens illi in digressu, (*Macr. l. 2. Saturn. c. 4.*) *Nesciebam, me tibi adeò familiarem esse.* Ut de Septimio Severo interim taceam: (*Spart. in Severo*) qui, antequam ad imperii culmen conscenderet, Legatus in Africa, quod vetus quidam suus familiaris, sed plebejus de nova amici dignitate gestiens, ad amplexandum eum cucurisset, ægrè adeò ingenuam illam hominis simplicitatem tulit, ut protinus virgis cædi illum jusserit, præcone interim clamante, condiscant hinc plebeji homines, reverentiūs deinceps cum populi Romani Legato agere. Sed prædicta ratio nihil loci, viriūmque in DEO habet. Si enim terrarum Domini peculiarem aliquam exigere à vulgo in exteriori secum consuetudine reverentiam solent, inde id provenit, quod eorum magnitudo, & potestas, utpote adventitia, fundamento admodum fragili nititur, pluribúsque ad retinendam subiectorum venerationem admiculis eget. Cùm cælestis æternique Regnatoris majestas, ceu finitum omnem modum prætergreditur, nec alibi, quām in ipsamet divina sua essentia consistit; sic ex-

tra

tra timoris aleam sit, ne per quamcunque
erga subjectos sui acclinationem decrescat.
Possum cum eo conversari, scribit D. Teresia,
(in Rel. vit. c. 33.) tanquam cum amico, etiam si
revera sit Dominus. Novi enim, haud quaquam
ex illorum numero eum esse, quos hic compellamus
Dominos, qui que totam suam dominationem in
factitia quadam, & extrinsecus accersita authori-
tate constituant. O Rex gloria, & Domine
dominantium, sat liquidò apparet, regnum tuum
nullis statuminum, asserumque fulturis suam firmi-
tatem debere. Haud opus tibi est aulicorum de-
ducentium, & stipantium pompā, ut regem te
prodas. Cūm terrenos contra principes, qui so-
los, & absque consuetis satellitibus viderit, ag-
noscere pro principibus nequeat, utpote nihil per se
habentes, unde supra reliquorum hominum vulgus
emineant. Quare ascitiis hujusmodi apparatibus,
& autoritatis adminiculis egent, nulla alioqui in
estimatione apud intuentes futuri, ceu nullam ex
naturae suæ privilegio peculiarem potentiam, &
dignitatem sortiti. Imò tantum à vero abest,
DEum, quia infinito dignitatis, potentiae,
& magnitudinis intervallo creatas res omnes
excedit; congruentiorem inde causam ha-
bere, humanum genus à familiari secum
consuetudine arcendi; ut hoc ipso nomine
videatur ad intima quæque secum commer-
cia illud posse tutius admittere. Cūm
juxta verissimam Plinii observationem, quan-
tò quisque Princeps imperii amplitudine,
& potentia plūs eminet, tantò minus adeat

periculum suæ apud subditos minuendæ authoritatis, si se illis, sibique illos populari affabilitate quodammodo misceat. (in Paneg.) **Nam**, cui nihil ad augendum fastigium superest, hic uno modo crescere potest, si se ipse submittat, securus magnitudinis suæ. Neque enim ab ullo periculo fortuna principum longius abest, quam ab humilitate. Unde etiam videmus, ceu à Dione additur, supremos populorum rectores, ac Dominos minus indignari, si quis forte ex præscriptis in aula reverentia, officiique ritibus, non adeo scrupulosè observatus secum fuerit; quam offendи propterea, & in contumeliae suæ loco accipere idem soleant eorum ministri. Qui enim (ita memoratus Scriptor) dignitate propria eminent, neque salutationes istas ab aliis requirunt; neque omissas vitio vertunt, gnari, non id ex contemptu sui fieri. At, qui ascititiis ornamenti utuntur, summopere ea, tanquam ad perfectionem suæ dignitatis necessaria, desiderant: ac, nisi consequantur, tanquam probro, incuriaque affecti commoventur. Quare magis ejusmodi homines, quam ipsi ferè imperatores sunt observandi. Nam apud hos virtutis loco habetur delictorum gratiam facere; apud illos vero, si quid delinquitur, imbecillitatem suam arguere creditur, facereque ad firmandam potentiae opinionem, si ulciscantur. (L. 58.)

4. Denique nemo ibit inficias, gratum DEO esse, si eo secum modo agamus, qui nos maximè idoneos reddit ad perfectam ipsi exhibendam servitutem, cùm nihil ille aliud

aliud in mundi administratione, omnibusque suis operibus spectet, nisi suam gloriam, hominumque utilitatem, quæ ambo præstis-
tus à nobis ei famulatus inseparabiliter con-
tinet. Atqui, si certissimè apud omnes id
constat, certissimè item constet, necesse
est, non posse DEO displicere, imò ac-
ceptam in primis esse nostram hanc, de qua
loquimur, familiarem, atque amicam cum eo
conversandi rationem: quando neque DEI
famulatus alibi magis positus, quam in amore
Dei est; neque alio nos pacto aptiores ad eum
intimè amandum, quam familiari, atque ami-
ca cum eo consuetudine efficimur. Et ad pri-
mæ quidem propositionis evidentiam satè est
recordari eorum, quæ alias de amoris na-
tura universè statuimus: nempe hunc con-
sistere in suavi quadam propensione animi
erga objectum amatum, qualis est rerum
sensu carentium propensio erga suum bo-
num, putà corporum gravium erga mun-
di centrum: adeò ut quemadmodum hæc
minimè patitur corpora gravia, sive us-
piam extra mundi centrum quiescere, sive
ad aliud quemquam terminum ferri, sed
affiduis impulsibus eò versus illa urget; sic
amor, ubi potitus animâ est, illiusque do-
minatum obtinet: neutiquam ei jam permittit
sive intra se ipsam quiescere, sive aliorum,
quam erga bonum à se amatum moveri;
sed ad hoc suum quasi centrum eam affi-
duè, omnésque illius motus impellit. Qua
convenientia, & proportione observata,

K4

scitè

scitè Augustinus & amorem vocavit pondus animæ , scribens : *Pondus meum amor meus ; eo feror , quocunque feror ;* & pondus amorem corporum , addens : *Amores corporum momenta sunt ponderum. Ita enim corpus pondere , sicut animus amore fertur , quocunque fertur.* (l. i i . de Civ. c. 28.) Hoc siquidem posito æquè manifestum fit , haud posse nos melius nostro conditori , quàm eum amando servire ; ac manifestè perspicitur , neque meliorem aliam nobis esse illi serviendi rationem , quàm si omnes nostrorum animorum motus ad eum dirigamus ; neque ab ullo hoc exactius , quàm à vero , intimoque illius amatore præstari. Nihil itaque ultrà mihi obstat , quo minus extra omne dubium cum Hugone Victori- no concludam : *DEO servire , DEum diligere est , & qui non diligit , non servit ; & , qui diligit , servit : & , qui parum diligit , parum servit : & , qui multum diligit , multum servit.* (Serm. 88.)

5. Jam verò ad fovendum , augendū- que hunc amorem , nempe hanc totius animæ , & omnium illius motuum collineatio- nem in DEum , ubi summa consistit divinita- mulatus perfectio , liberalem fiduciam , quàm humilem metum plus facere ; veritas est nihilo priori minùs clara , & oculis pa- tens. Cui enim dubium esse possit , quin & propriissima amoris qualitas sit , libenter cum amato agere ; & libentiùs unusquis- que cum eo agat , quocum familiaritas sibi intercedat , quàm cum eo , quem revere- ri,

ri, ac timere tantummodo cogitur? Ne-
mo certè oblectamenti locò ducit assiduè ver-
sari coram principe, rigido obsequii exactore,
quique neminem ferat sibi adesse, nisi fron-
te submissa, & toto corpore ad humilem
reverentiam composito. Quin imò servi-
lis ille corporis, animique habitus, & vio-
lenta sese perpetuò circumspiciendi necel-
sitas gravis adeò humanæ libertati accidit,
ut tolerari diu nequeat. Cùm contrà prin-
cipis alterius consuetudo, qui se nobis fami-
liarem exhibeat, & nostra secum familiari-
tate gaudeat, prorogari adsolidos dies, ne-
dum sinè tædio, sed & jucundè, ac de-
lectabiliter possit. Quapropter, si aliquis
nunquam DEUM sibi aliter repræsentet,
quàm ut infinitæ magnitudinis Dominum,
& præ quo non ipse duntaxat, sed omnis
quoque rerum creatarum universitas lon-
gè quid minus, contemptiùsque atomo sit;
næ tantæ majestatis terror, affectus parùm
suapte natura delectabilis, remoræ ipsi po-
tiùs, quàm invitamento erit ad eum sibi af-
fiduè præsentem habendum, illiùsque con-
suetudinem suaviter, ceu amantium mos
est, toto die producendam. Secùs omni-
no, atque alteri usuveniet, qui concipere
DEum animo soleat, tanquam Dominum,
infinitæ quidem majestatis, & potentiaz,
sed & prodigiosæ adeò, immensæque be-
nignitatis, ut nos abjectissima cæteroqui
capita, & repentes humi vermiculos, filio-

rum in numero habeat, prōque vero patre à nobis haberi velit. Nempe hic, quanto digniorem summa omni veneratione, ac reverentia DEum esse perspiciet, tanto suaviorem illius præsentiam, consuetudinemque experietur, ceu, quæ in memoriam ei revocabit, tantum totius universitatis Dominum suum esse amicum, & patrem. Ac proinde nil laboris, molestiæque, imò plurimum voluptatis reperiet in continuanda per totum diem illius memoria: nec aliter ad orationem se conferet, quam si ad amicum vocaretur, & miræ jucunditatis colloquium. Quia scilicet, prout verissimè ait D. Augustinus, vel quicunque alias composuit *Manuale*, ipsius nomini vulgo adscriptum, (c. 19. & 20.) qui amat, fiducialiter accedit ad DEum: DEum familiariter percontatur, consultatque de omni re. Amor dat familiaritatem, familiaritas ausum, ausus gustum. Quid plura? adeò ad quamcumque personam amandam necessarium videtur aliquid confidentiæ, & libertatis cum ea habere; ut D. Petrus Chrysologus nullum esse amori locum affirmet in corde, quod nimius occupaverit timor: (Serm. 147.) *Amare non potest, qui satis timet.* Quapropter cùm haud facilè amari intimo ex corde, ac medullitus queat, qui offuso nimiae maiestatis terrore cor nobis adstringit; concludi tandem potest, DEum, sicuti teste D. Laurentio Justiniano, (de Disc. & perf. mon. con. 6. 16.)

16.) nostro magis amore , quam timore delectatur ; (semper enim omnipotenti DEO magis complacuit amari , quam timeri) ita plus probare , si ad eum cum hilari filiorum confidentia , & libertate , quam si cum servili anxietate & submissione accedamus . Quæ veritas usque adeò certa apud Apostolum est , ut non contentus prolatu superius à nobis loco , eam affirmasse scribens Romanis : *Non enim accepistis spiritum servitutis in timore , sed spiritum adoptionis , in quo clamamus , Abba Pater ;* contestatam rursus velit in secunda ad Timotheum Epistola his verbis : *Non enim dedit nobis Dominus spiritum timoris , sed virtutis , & dilectionis (c. 1.)*

6. Unum id solummodo quæri posse hic à quopiam videtur , num prædicta scilicet ratio familiariter , amicéque agendi cum DEO , quam adeò esse , & ipsi acceptam , & nobis utilem vidimus , ab omnibus promiscuè usurpanda sit ; an iinstantū conveniat , qui non mediocres in virtutis curriculo progressus jam fecerint ? Qua super re nullum mihi occurrit expeditius , certiusque respondum , quam omnes laudabiliter affecturos eam esse , qui capaces tum illius usurpandæ , tum spiritualis fructus capiendo ex ea sint . Ubi primū capacitatem illius usurpandæ requiro : nam , qui per exigua DEI notitiâ instructus foret , animaque vana æstimatione , & immodica cupiditate rerum terrenarum occupatam habere ;

ret, dubitari à nemine potest, quin ob ejusmodi impedimenta minimè aptus esset, ceu ad DEum intimè amandum, sic ad illam familiariter, fidenterque cum eo agendrationem, quæ non nisi intimè amantium est propria. Addo præterea, opus esse habilitate ad interiorem animi frugem ex ea referendam. Siquis enim nondum firmas radices in profunda sui nihili, extremaque suæ coram DEO vilitatis cognitione jecisset, nec mortiferum quodvis crimen adeò supra omnia præsentis vitæ mala horreret, ut nullius à longo pridem tempore admissi conscientiâ morderetur, næ illi nescisse esset, talia spiritualis vitæ instrumenta, & præsidia sibi priùs comparare; alioquin loco percipiendi ex amica, & familiari cum DEO consuetudine utilitates illius proprias, noxia inde potiùs referret levitatis, fastûs, socordiæ, similiūmque animi pestium fomenta; in peccandi pericula temere se conjiciens, præ se alios parvi astimans, solidarum virtutum exercitacionem negligens, neque illam familiari suo erga DEum amori reverentiam conjungens, quam à familiari vel amicorum mortalium, & naturâ invicem parium consuetudine nunquam separari vult Tullius, exigens ab iis, ut *non solum inter se diligant, sed etiam vereantur.* (*de Amic.*)

7. Cæterùm, ubi id genus conditiones non defunt, sed aliquis & à lethalibus noxis

noxis procul se habet , & leviores item stu-
det vitare , & pravis affectionibus subi-
gendi , necessariisque virtutibus sibi com-
parandis operam navat , & persuasissimum
habet , nihil se præ DEO esse , nihilque
sinè gratuita , & assidua ope illius posse ;
ubi , dico , talis quispiam est , & ità secundùm
ordinariam vivendi rationem compositus ;
non video , cur ex Christianæ humilitatis
impulsu , & suarum imperfectionum con-
scientia familiarem , atque amicam cum
DEO conjunctionem refugere potius debeat ,
quam ob fructus sibi inde proventuros ap-
petere . Nisi fortè quis dicat , pertinere
ad Christianam humilitatem , ut illius pro-
fessores divina etiam munera , & spiritua-
lia sua emolumenta repudient . Quod ubi
admittetur , laudabilius jam erit , si unus-
quisque nulla interioris suæ utilitatis ratio-
ne habita à sanctissimo Christi corpore man-
ducando , quantum licet , abstineat : ve-
luti à familiaritatis specimine , quo nullum
edi inusitatum magis vel erga conjunctissi-
mos hominum potest , quóque erga DEum
uti ultra omnem confidentiam atque auda-
ciam videatur . At cui unquam inter Theo-
logicæ , seu scholasticæ , seu mysticæ Au-
thores talem promulgare humilitatis regu-
lam in mentem venit ? Satis esto audire ,
quid visum de ea sit S. Teresiæ , insigni adeò
rerum asceticarum magistræ . Omittantur ,
ait illa , (*in Itin. perf. c. 28.*) *verecundia qui-*
dam

dam sensus, quos nonnulli esse humilitatis putant: cùm tamen hæc non consistat in regiis munieribus repudiandis, sed in agnoscendo illa esse liberalitatem gratuitam, neque nostris meritis debitam. Lepidum enim verò humilitatis genus: habere me domi supremum cœli, terrarūmque imperatorem, qui eò accessit, ut sua mihi dona impertiret, sèque mecum oblectaret; nec modestia causâ velle ei respondere, cùmque eo conversari, &, quæ largitur, accipere. Ne curæ vobis sit, filia, ita esse humiles; sed agite cum illo, velui cum parente, cum fratre, cum hero, & cum sponso. Cúrnam esse fatuæ velitis? Poscite ab ipso, ut stet pactis vobiscum, &, cùm vester sponsus sit, tanquam sponsas vos tractet.

8. Præterea, si novus ille humilitatis canon legitimam vim obtineret, non rudes, ac novitii solummodo, sed veterani insuper, & consummatissimi quique sanctioris vitæ cultores procul ab omni amicæ familiaritatis ausu non aliter, quàm timida, servili- que cum reverentia DEO famulari debe- rent, cùm ipsi quoque nihilo prioribus mi- nùs esse humiles debeant, minsúque dig- nos se credere, qui cum summa cœlestis Domini majestate confidenter, amicéque agant. Libet itaque argumentari in hunc modum: vel ad familiarem cum DEO con- suetudinem necessariò requiritur, dignum eā usurpandâ per se hominem esse; vel satis est, illius usum omnibus, qui ad spiritua- lem inde fructum percipiendum habiles sunt,

est

estō cæteroqui immerentibus , & minimè dignis à divina bonitate permitti. Si prima pars verior videtur , nemo hominum , licet sanctissimus , imò neque ullus vel summa temeritatem affectare illam poterit. Sin alteram potius admittamus , cuilibet , dummodo majorem inde animi frugem se colligere experiatur , nedum extra omnem arrogantiæ notam , sed & magna cum prudentiæ laude ea uti licebit. Cùm nequeat DEus prominori erga se reverentia ducere , quod ad ampliorem nostram utilitatem conduit : ceu & suprà jam statuimus ; & illis confirmatur , quæ in Concilio Ephesino pronuntiata sunt , gravissimis verbis (Ap. S. Th. p. 3. quæst. 1. a. 1 ad 3.) *Nihil horum , quæ salvant hominem , injuriam facit DEO : nihil putat injuriam DEus , quod est occasio salutis hominibus.* Vel hoc alio pacto eandem argumentationem instituo. Amicum , & familiare commercium cum DEO nemini tu esse permitendum contendis , nisi hominibus ad eximiam sanctitatem proiectis. Cur , rogo , hisce solis ? nullam certè aliam potes causam proferre , nisi quia ipsi tantum vel capaces inde proficiendi , vel digni eo utendi sint. Atqui si primum dicis , non de summa , sed de quavis capacitatem intelligens temerè id dicis , & D. Bernardum palam contradicentem tibi habes , qui Salomonis Cantica exponens , *omnem animam* , docet , licet

onera-

oneratam vitiis, irretitam peccatis, luto haren-
tem in se advertere posse, non modò unde respi-
rare in spem misericordiaæ queat, sed & unde aspi-
rare audeat ad nuptias verbi cum DEO inire fa-
dus societatis non trepidet, suave amoris jugum
cum rege Angelorum ducere non vereatur. (Serm.
83.) Si verò posteriori causæ inniteris, ex
opinione tua sequitur, opus esse, ut qui
amici, filiique ritu, conversari cum DEO
vult, ità priùs apud se statuat: ego jam
abundè in sanctimonia profeci, dignusque
sum, qui liberiùs & confidentiùs cum DEO
agam. Quod judicium, non video, quā
excusari ab arrogantia possit: cùm illud
concipiens non aliunde, quām ex suis me-
ritis audendi fiduciam sumat: saltem multò
minùs humile, ac modestum eo judicio vi-
detur, quod ab hominibus etiamnum im-
perfектè virtutis concipiendum esse ego af-
firmo, quando ad DEum propriùs accedunt;
nempe ut intra se dicant: tanta est DEI ma-
gnitudo, & mea coram eo vilitas, ut in-
dignus sim vel oculos ad eum intuendum
tollere, ósque ad loquendum cum ipso ape-
rire; nedum patrem vocare, & tanquam
cum tali jucundam consuetudinem institue-
re. Quia tamen & multùm mihi hoc conferre
ad spiritualem profectum experior; & ipse
pro ineffabili sua benignitate, ut secum sic
agam, permittit, nolo cum animi detrimento
illius dona respuere. Tantùm igitur à vero
abest, eos, qui mediocriter in sanctiori vi-

ta

ta profecerunt, minus reverentiæ , ac sub-
missionis præseferre , dum ità animo com-
parati familiariter DEO adhærent , ut eâ
potiùs carere dicendi essent, qui supremas
sanctimoniæ metas assecuti jam videntur, si
illius familiaritatis privilegium sibi unis con-
venire arbitrarentur: quippe , qui usur-
pandi illud causam non ut priores ex sola
cœlestis Patris indulgentia , sed ex propriæ
virtutis suæ merito ducerent. Veluti ex
duobus , quorum alter indignum se cætero-
qui ob sua crimina tanto munere existi-
mans octavo quovis die ad sacram Evchari-
stiam , tanquam ad cœleste sui animi me-
dicamentum accedit ; alter verò , ut ad eam
dignè accedat , non nisi semel toto anno
id facere audet ; primum illum remotiorem
ab omni arrogantiæ specie , quàm hunc al-
terum , Cassianus censet. Cujus doctri-
nam , quia ad præsentis rei declarationem
plurimum facit, juvat hic paulò fusiùs ipsis-
met illius verbis attexere. *Nec tamen* (Ita apud
ipsum Abbas Theonas pronuntiat) *ex eo de-*
bemus nos à Dominica communione suspendere ,
quia nos agnoscimus peccatores: sed ad eam magis
est propter animæ medicinam, & purificationem
spiritus avidè festinandum: verumtamen ea humi-
litate mentis, ac fide, ut indigos nos tantæ
gratiæ perceptione judicantes, remedia potiùs no-
stris vulneribus expetamus. Alioquin nè anniversaria
quidem dignè est præsumenda communio: ut qui-
dam faciunt, qui ità sacramentorum dignitatem,

L

ac

ac meritum metiuntur ; ut aestiment , ea non nisi sanctos , atque immaculatos debere presumere : & non potius , ut sanctos . mundosque nos sua participatione perficiant. Qui profectò majorem arrogantiæ præsumptionem , quam declinare sibi videntur , incurruunt : quia vel tunc , cùm ea percipiunt , dignos se eorum perceptione dijudicant. Multo enim iustius est , ut cum hac cordis humilitate , qua credimus , & fatemur , illa sacrosancta Mysteria nunquam pro meritis nos posse contingere , singulis ea diebus Dominicis ob remedium nostrorum ægritudinum præsumamus ; quam ut vana persuasione cordis elati , vel post annum dignos eorum participio nos esse credamus. (Coll. 23.6. ult.)

9. Moneo postremūm , ad præcavendas dæmonis fraudes necessarium videri , ut nemo sive ordinariæ , sive eximiæ virtutis inter suavem hanc intimi amoris cum DEO necessitudinem eorum obliviscatur , quæ ad hominem , abjectamque de se ipso opinionem faciunt : nimirum se hominem esse , mera DEI bonitate è nihilo eductum , nulli bona rei vel assequendæ , vel efficiendæ per se idoneum , plurimorum criminum reum , & ad quævis alia perpetranda , plùs quam dici possit , suo ingenio proclivem , quam nihil DEO necessarium , tam semper , & ubique illius auxilio indigentem , perfectaque idcirco subjectionis , atque obedientiæ ipsi debitorem : tanquam Domino , qui licet nunc per inauditam quandam benignitatem in

in filii, atque amici loco se habeat; nihil dubitabit tamen, si legitimum ipse obsequium fors exuat, & familiari secum usu ad peccandi abutatur licentiam; ex suorum albo eum confessim eradere, pro inimico, & perduelli odisse, æternisque insuper suppliciis, nisi tempestivè resipiscat, afficere. Neque contentus sit, omnia hæc cognita habere, atque inter conversionis suæ initia pluries perpendisse: sed curet præterea identidem animo retractare, quique hujusmodi notionibus congruunt, profundissimæ erga DEum submissionis, & reverentia sensus concipere. Ita tamen, ut post pia id genus necessariæ humilitatis exercitia ad amicam, atque hilarem cum DEO consuetudinem reheat: & hac quidem, quasi cibatu ad quotidianam animi refectionem; illis verò ceu pharmacis ad extraordinarias opportunitates utatur.

CAPUT II.

Ad prædictam cum DEO agendi rationem opus esse, ut genuina de illo species in mente formetur, nonnullis inde plantasiis, & commentis exclusis, quam à propria illius benignitate abhorrentibus, tam nostri erga illum amoris suavitati contrariis.

Jure queritur Clemens Alexandrinus (*L.* 7. *Strom. c. 2.*) non satis esse hominibus, si DEum imaginentur, & pingant, qua-

L 2

les